

開國偉人
開國偉人



黃克強故事

黃克強故事目錄

第一節 襁褓中即知排清

第三節 盜劫人我即殺盜

第五節 我不願為滿人用

第七節 與唐才常之關係

第九節 你嚇我我偏要幹

十一節 組織興華會

十三節 圖湘城敗之又一說

十五節 結識孫中山

十七節 迎老母妻子於日本

十九節 健兒喋血鎮南關

二十一節 原來他是假內應

二十三節 與熊成基之關係

二十五節 喋血聲中之趣聞

第二節 童年之懷抱

第四節 試試我的手段

第六節 到底你是奴隸

第八節 留學東瀛

第十節 發起拒俄團

十二節 圖湘未成

十四節 狙擊王之春

十六節 一紙言論勝過十萬毛瑟

十八節 丁文耀破敗乃公事

二十節 出險之原因

二十二節 與徐錫麟之關係

二十四節 厚恤吳樾之家屬

二十六節 能入能出方是好男兒

孫中山先生

孫逸仙

二十七節 漢口殺敵第一功

二十八節 據守漢陽

二十九節 守鄂保湘之偉識

三十節 北軍焚燬漢口之原因

三十一節 一曲令詞慨以慷

三十二節 計止敵人攻武昌

三十三節 不料居然假共和

三十四節 袁家偵探探先生

三十五節 我但知服從法律

三十六節 黃興門與元洪門

三十七節 設祭弔陣亡將士

三十八節 與宋教仁之輓聯

三十九節 厚恤宋先生家屬

四十節 因愛民退出金陵

四十一節 再造共和之準備

四十二節 大罵胡瑛孫毓筠

四十三節 暗助護國軍

四十四節 著言論宣佈袁氏罪狀

四十五節 破壞獨夫之借款

四十六節 與古德諾之一席話

四十七節 在美國咯血

四十八節 要求現政府之條件

四十九節 料袁世凱必死

五十節 輓袁氏之聯語

五十一節 願爲民國暗助

五十二節 不願爲湖南軍長

五十三節 爲憂國咯血

五十四節 週恤落魄黨人

五十五節 一息尙存此志不容少懈

五十六節 國慶日致疾

五十七節 力辭勳一位

五十八節 咯血卽以報國

五十九節 至死猶不忘國

六十節 哲人萎矣

六十一節 病日死日之紀念

六十二節 弔唁者之多

六十三節 治天下如奕棋

六十四節 不遊知音不肯言

六十五節 好學食無求飽

六十六節 筆墨銘

六十七節 心服曾滌生

六十八節 興華社之組織

六十九節 白門微行時之議論

七十節 奇氣鬱勃少年詩

七十一節 抵掌縱談天下時

七十二節 臨風遙弔黃花崗

七十三節 手書石達開詩

七十四節 文字之革命

七十五節 我欲養成愛國學生

七十六節 他不失敗做甚麼

七十七節 與陳英士之諧謔

七十八節 與太倉一耶談革命

七十九節 長崎之偵探何來

八十節 太平洋舟中詩

八十一節 日人古島一英之識人

八十二節 八指將軍

八十三節 編纂開國紀事

八十五節 死且不怕誰怕火麼

八十七節 以古語釋民權二字

八十九節 勇義親王值甚麼

九十一節 良言規勸熊成基

九拾三節 精礪不磨之議論

九拾五節 可歌可泣一封書

九拾七節 佩服無名英雄

九拾九節 斷橋拒敵

八十四節 爲唐才常刻遺集

八十六節 訪求遺民故蹟

八十八節 遣人慰問甯太一

九十節 四字之家書

九拾二節 片言嚇煞老冬烘

九拾四節 避饒可權之言語

九拾六節 長聯輓弔楊篤生

九拾八節 南洋舟中遇異僧

一百節 慰勞學生軍

黃克強目錄終

黃克強故事

第一節 襁褓中即知排清

君黃姓原名軫字廖午後更名興號克強湘之長沙人也世居善化縣之東鄉黃降生不數年其父卽逝聞黃週歲之期其父母置人世一切之物於儿上抱兒至令之觀更聽其隨手取擇以覘兒他日之窮通顯達蓋湘省之俗例也黃探手獨取刀劍興筆墨孜孜笑不已父母甚喜其戚友皆謂是兒將來必有出將入相之希望乃戲以翎頂與之握黃弗受強予之擲於數步外且啼哭不已彼在襁褓中即視滿清騙人之名器如仇也俗云卽小見大信然

第二節 童年之懷抱

七八歲時其寡母卽使之入塾讀書性質穎慧過目輒成誦師愛之顧其爲人沈默不苟言笑與同學諸生罕有往來比長師教以作文不喜升晤帖括之學然又以寡母屬望綦殷乃勉從事於章句之學所作文字有奇突氣師嘗誡之曰汝文縱橫排宕施之於闡場始相當若以是欲博一衿非所宜也黃爲師傅督責不得不斂成就範年十九補博士弟子員明年又食餼鄉試啓行前之夕戚友皆置酒祖餞且諛其春秋榜上當有飛黃騰達之一日先生愀然謂志不在此今茲赴省蓋藉以游歷各處風景也記其別母應試感懷詩一章中有二句云「一第豈

能酬我志此行聊慰白頭親』可以覘先生懷抱矣。

第三節 盜劫人我即殺盜

君於文事之外更嫻武術平居無事時喜控烈馬舞劍以爲樂從之游者實繁有徒善化民風强悍且多盜常有連劫數家之巨案發生受害者卽鳴之官府十訴而九不獲焉先生愀然憂之乃號召鄉民組織一團體實行守望相助之義境中賴以粗安一日有盜首童老么者夙涎某村之富戶某甲雄於資料集黨羽百餘人行劫鄉團聞耗持械往以衆寡之勢不敵將失敗先生仗劍馳馬突入盜叢喑鳴咤叱手刃數人盜皆披靡更獲童老么以返集鄉團會議磋商處置之策適善化縣宰亦率壯丁至見盜首已獲晤先生賀其功且欲拘童歸署照案懲辦先生嚴拒其請更譏之曰我自捍衛我鄉里乃應盡之義務何勞賀爲且國家使公宰是邑將以除暴安民也公平時於捕盜之責廢弛不顧茲見盜首爲吾儕所執請移貴署嚴懲然則將掠吾儕之勞而爲一己邀功地俾達升官發財目的耶雖然吾自有術治之言已出白刃竟決童首笑謂邑宰曰吾是舉較公對付盜之手段尤直捷痛快也宰不能答而退。

第四節 試試我的手段

先生賦性豪爽且喜雪不平家居時凡鄉鄰有貧乏者爭鬪者輒周濟而排解之以故當時有

灑遠猗冠腦

任俠之稱會里中有曾紳者虎而冠也因夙涎鄰婦美遂設計陷夫於獄而奪其妻先生聞是事久欲嚴懲之而卒未得間一日東村某甲爲子授室先生因與之有葭葦誼詰晨往賀至則見曾紳在焉曾素雄於資目無餘子及入席誼笑自若睥睨一切時先生坐次與曾接近乃故翻其杯中餘灑潑曾衣盡濕曾大怒惜曰誰家豚犢兒竟無禮至此先生抗聲曰吾污若衣若弗能恕若污人妻人胡以吞聲忍受乎曾以其揭己短也彪怒愈熾擬批先生頰先生乘其不備遽捉曾髮出席拳足交施狂毆無算主人聞聲出多方排解先生始釋手及視曾目赤面腫獐乃如鬼欲與先生結訟嗣經主人一再謝過其事始寢然曾自受此重創不敢夜郎自大矣

第五節 我不願爲滿人用

先生以困居里閭終非長久之策欲出而閱世適鄂督張之洞在省垣創設兩湖書院招考湘鄂士子入院肄業先生知張督固先天下而新者乃稟之於堂上欲往與試太夫人許之於是東裝就道比抵鄂試冠其曹張頗垂青睞入院後於課程餘閒悉購西洋革命史及盧梭民約論諸書朝夕盥誦久之革命思想遂萌芽於腦蒂中矣然卒未敢向同學者道及一字居年餘有白逾恆者亦入院肄業先生與之語大悅遂訂交焉又見白之爲人強毅堅忍非他生可比因以已之素志告白亦贊同其旨比暑假大考先生試列最優等鄂督張之洞召之入署勸勵

35
六. 3
16

有。加。先。生。漫。應。之。返。院。私。謂。白。逾。恆。曰。吾。儕。求。學。豈。爲。滿。人。效。忠。地。也。蓋。將。造。成。有。用。之。才。以。備。他。日。爲。我。漢。族。揚。眉。吐。氣。耳。彼。袞。袞。諸。公。烏。識。我。之。蓄。意。哉。白。誠。以。嚴。守。秘。密。先。生。領。之。故。先。生。在。兩。湖。書。院。二。年。有。奇。凡。院。長。教。員。及。同。學。諸。生。卒。末。由。窺。其。底。蘊。云。

第六節 到底你是奴隸

時。兩。湖。書。院。監。學。爲。武。昌。知。事。梁。鼎。芬。每。屆。寒。暑。假。時。梁。必。召。集。諸。生。演。說。以。忠。君。愛。國。之。語。相。勗。先。生。獨。梗。其。議。謂。忠。君。與。愛。國。是。二。非。一。梁。詰。之。先。生。侃。侃。答。曰。忠。君。者。忠。於。一。人。乃。狹。義。也。國。者。爲。我。四。萬。萬。同。胞。集。合。團。體。而。成。此。廣。義。也。若。混。合。忠。愛。言。之。彼。爲。之。君。主。者。苟。出。一。令。與。一。法。而。不。利。於。國。然。則。吾。同。胞。亦。將。俯。首。聽。命。而。不。思。糾。正。而。改。革。乎。若。曰。單。純。愛。國。烏。能。以。忠。君。兩。字。滲。入。耶。梁。惡。其。忤。已。怒。形。於。色。先。生。弗。之。顧。仍。言。笑。自。若。以。故。梁。嫉。先。生。甚。屢。譖。於。張。香。濤。擬。除。名。而。逐。之。張。愛。先。生。青。年。英。才。卒。弗。之。聽。

第七節 與唐才常之關係

光。緒。二。十。五。年。唐。才。常。之。變。先。生。實。與。其。謀。先。是。唐。亦。湘。人。素。抱。種。族。革。命。思。想。以。武。漢。據。天。下。上。游。欲。於。是。地。着。手。因。糾。合。同。志。陸。續。來。鄂。從。事。進。行。先。生。與。唐。在。鄉。里。素。稔。一。日。晤。唐。於。於。黃。鶴。樓。因。握。手。畧。道。闊。別。日。叩。來。此。胡。爲。唐。固。知。先。生。爲。人。乃。以。實。告。且。要。其。表。示。同。意。先。

生無難色。慨然諾之。且曰：兩湖書院爲官家創辦，予肄業此間，頗受重重壓制之苦，脫有不慎，匪惟於事無濟也。且有後災，今而後吾惟爲君擔任暗中運動之責，苟寬我時日，當有以報命也。唐韙其說無何，唐起事失敗，被逮卒，罹於法，獨未波及先生，蓋無予人以可抵之隙也。其用心彌苦矣。

第八節 留學東瀛

嗣先生鑒於唐之往事，以久居鄂中，伏處齷齪官僚肘腋之下，終弗能展其所志，亟欲他適，因無相當地址，旋亦止。會滿廷有派學生赴東留學之諭，令下其時，風氣未開，一般頑固頭腦，恆視遠涉重洋爲畏途，因相與裹足。先生獨奮然興起，以官費生至日本肄業於東京師範大學，校此光緒二十五年事也。

第九節 你嚇我我偏要幹

先生既之東京，晤章太炎、陳天華、劉揆一、宋教仁諸子，與語大悅。初章陳諸君久嫉滿清政治之腐敗，其游學海外，蓋欲實行其革命主義也。及遇先生，畧談懷抱，其志趣不謀而合，遂訂交焉。於是課餘晷刻，專任聯絡華人同志，感情久之，繼續加入者不下數百人。每屆星期，輒糾合同黨衆開秘密會議，先生登臺演說，痛詆滿人之罪狀，聲淚俱下，咸爲之動容。事爲駐日公使汪

大。燬。所。聞。要。日。警。干。涉。先。生。與。諸。子。雖。不。敢。公。然。開。會。集。議。然。其。銳。意。進。行。之。方。針。卒。未。嘗。因。此。而。稍。稍。中。止。也。

第十節 發起拒俄團

未。幾。某。國。覬。覬。滿。洲。之。問。題。發。生。遠。東。風。雲。瞬。息。萬。變。其。時。東。西。洋。留。學。生。抱。愛。國。熱。忱。者。無。不。函。電。交。馳。質。問。清。廷。並。借。箸。代。籌。對。付。之。策。先。生。在。東。與。章。宋。諸。君。密。議。謂。丁。茲。危。急。存。亡。之。秋。決。對。非。吾。儕。口。舌。所。能。爭。強。者。不。如。趁。此。時。機。組。織。拒。某。國。團。體。更。假。此。名。義。藉。圖。積。極。進。行。革。命。事。業。庶。不。至。啓。汪。使。之。疑。團。章。宋。等。善。其。計。無。何。清。政。府。與。某。國。交。涉。卒。歸。失。敗。先。生。得。是。耗。焦。急。萬。狀。咯。血。斗。餘。章。宋。諸。君。召。醫。士。爲。之。診。治。旬。日。始。瘳。先。生。嘗。慨。然。曰。中。國。大。局。破。壞。已。達。極。點。今。而。後。惟。有。實。行。革。命。始。可。救。危。亡。於。萬。一。耳。

第十一節 織組興華會

光。緒。二。十。九。年。先。生。畢。業。於。東。京。學。校。與。宋。教。仁。陳。天。華。劉。揆。一。偕。同。歸。國。旋。里。省。親。既。而。創。設。一。學。堂。於。長。沙。英。年。學。子。咸。歸。之。若。鶩。先。生。於。課。餘。得。暇。輒。於。諸。生。傳。播。革。命。種。子。積。久。歸。附。加。入。者。實。繁。有。徒。又。與。陳。劉。宋。三。君。就。學。校。中。組。織。一。興。華。會。共。同。提。倡。革。命。事。業。公。舉。先。生。爲。該。會。之。總。幹。事。陳。劉。宋。副。之。

第十二節 圖湘未成

先生又以革命事業非可恃空言即畢乃事者苟無憑借則終蹈坐談不能起行之弊乃提議降格相求擬聯絡哥老會以厚已勢力衆悉贊成之會有曾國章者湖南全省之會首也其徒衆約數千人散布於各處先生乃折節下交親往游說會爲其所動許之遂潛招其黨至湘支配已定將於某日舉火爲號先攻撫署爲根據地不料事機未密有洩其謀於清撫岑春煇所行未果岑撫更下令軍警大索先生先生與劉陳宋三君易服潛逃上海

第十三節 圖湘失敗之又一說

又一說時清室西后秉國大政年耄而穢張是年適七十誕辰各省皆貢珠玉鑽石之供競異爭奇羣相取媚后又於宮中設燈市召集京滬名伶演劇置酒大讌羣臣有馬烈士福益者亦革命之健將而與先生最友善者也因湘撫之貢獻窮極侈麗可爲各省冠乃與先生謀欲乘間埋炸彈轟撫署藉以擢其貢物充革命經費先生韙其謀詎事洩湘撫潛派軍隊逮馬殺之先生及陳劉宋等僅以身免遂遁之江西某友家匿迹三星期始至上海二說未知孰是姑並存之

第十四節

狙擊王之春

先生伏處滬上數閱月得武漢諸同志之函招乃易裝復至漢口未幾仍回上海是時前安徽巡撫王之春奉清廷命赴廣西撫院任道經滬上假寓於英界某旅館先生知王素仇視黨人陰使同志萬某狙伺於四馬路大新街口金粟香大餐館側伺王出遽出手槍擊之僅傷及王之扈從滴英捕聞警圍集萬某就捕先生乘間遁後知清政府下令大索已亟東渡

第十五節

結識孫中山

先生既之日本走訪從前故友半皆星散侘僚無聊日酣飲於市有宮崎寅藏者日本之在野黨也是日亦在市中睹先生狀驅而與之握手叩其姓氏先生具以告又詢以何來先生畧述梗概宮崎君曰貴國中有孫中山者君識之否彼正從事革命慮黨勢單薄欲羅致志士爲已助君盡往依之乎果有此志余願爲曹邱生先生大喜要宮崎爲介謁孫中山於東京寓廬握手數語轉恨相見之晚此際海內外依附孫中山者不下數千人先生與中山遂假宮崎私第開同盟會更釐訂簡章舉幹事中山被選爲總理先生執行東京同盟會機關部部長至此先生乃純粹爲革命黨人矣

第十六節

一紙言論勝過十萬毛瑟

孫中山宗旨第一在推廣聯絡與運動乃隻身往南洋羣島遊說華僑以期普及進行總理一

席即要先生暫代先生對於黨務黨綱悉心擘劃布置周詳更集資創辦民報函邀章大炎宋教仁汪精衛諸君至主持筆政而鼓吹革命之事業實先生之提倡也

第十七節 迎老母妻子於日本

其時適得其太夫人之家書謂湘中官吏以先生投身民黨欲逮其家屬而着交焉刻正無安置之所先生得悉乃喬裝星夜歸善化奉母及妻子至日本蓋先生於入泮後即授室生子二長一歐年十四次一中甫數齡耳（按此就彼時言之今則有子四人矣）祇以奔走革命致疎家庭之樂今則海外團聚始獲稍償志願洵幸事也

第十八節 丁文耀破敗乃公事

先生在東主持黨務屢得孫中山海外電告謂兩粵逼處濱海得天然之形勢且該兩省人民被歐美文化實先於各省果吾儕義旗高舉則響應者必多先生乃召集同志開秘密會議衆皆贊成之遂有河口之役中山擔任軍械餉糈先生爲總司令此光緒丙午三十二年四月事也先是河口守將丁文耀於數日前即得所部報告言革命黨人將於是處爲起義地點丁急致密電於兩廣總督周馥請其檄調附近鄰縣之兵隊馳往河口防堵先生及諸同志知丁已有備也計不如早爲之計先發制人先生左槍右刃親冒矢石與清軍鏖戰激鬪至數小時之

久卒以衆寡之勢弗敵遂失敗同志被逮者凡四人先生微服而遁之香港然亦險矣

第十九節

健兒喋血鎮南關

既之香港時同志陸續來歸者甚衆於是暫居該埠爲養銳待時計會欽廉等縣有土匪滋事勢極猖獗粵大吏調駐守鎮南關之軍士馳往欽廉會剿先生與諸同志磋商擬乘虛出其不意襲鎮南關爲根據地乃剌期出發比至鎮南賃屋以居潛設機關部於內迨組織就緒決定七月十五日起事諸同志奮不顧身進攻弗稍却鎮南兵士悉孱弱不武者勢將失守正危急間而清師抽調赴欽廉之勁卒返矣初省吏派該軍至欽廉也本爲攻克土匪及行至半途即得欽廉官吏來電謂該匪已平故鎮南之軍中道折回實出人意料之外當時先生所部腹背受敵勢漸不支諸同志死亡者過半生擒者數人先生僅以身免即日遄返東京

第二十節 出險之原因

當先生之出險也其間又有一段軼事亟錄之以供讀吾書者諸君之談助鎮南關之役民軍既遭失敗四出逃竄清師散隊包圍眞箇鳥飛不過先生苦不得出急由某姓之後圍破牆躍入園丁駭甚奔告主人欲執先生而獻之主人怒面斥園丁邀先生入密室藏匿先生恐其蓄意弗良遊移兩可主人手刃園丁以堅其信先生乃不疑蓋某主人世居鎮南曩曾出仕爲太

守。嗣。因。清。政。不。綱。憤。而。辭。職。歸。隱。茲。見。先。生。大。舉。革。命。之。師。甚。重。其。爲。人。也。先。生。匿。某。家。凡。一。星。期。旋。探。清。師。防。守。稍。懈。始。易。裝。去。

第二十一節 原來他是假內應

光。緒。三。十。一。年。先。生。又。率。同。志。赴。欽。廉。等。處。圖。謀。猶。立。不。幸。又。遭。失。敗。先。是。欽。州。防。軍。營。統。領。顏。天。驥。與。先。生。有。桑。梓。之。誼。先。生。乃。以。同。鄉。名。義。往。謁。相。見。之。下。談。笑。甚。歡。顏。詢。來。此。胡。爲。先。生。詭。言。就。欽。州。學。校。之。聘。充。當。教。員。顏。遂。信。之。不。疑。及。往。來。日。久。先。生。見。顏。人。極。豪。邁。乃。微。露。其。連。動。起。事。之。旨。顏。不。動。聲。色。僞。應。之。且。約。以。某。日。響。應。及。先。生。去。顏。逕。往。告。密。上。峯。囑。其。將。機。就。計。以。冀。一。鼓。成。擒。某。日。之。夕。先。生。偕。諸。同。志。往。攻。提。鎮。署。見。署。中。虛。無。一。人。大。疑。知。事。弗。諧。呼。同。志。速。退。行。未。數。十。武。顏。挈。兵。士。至。四。面。圍。攻。先。生。急。智。生。無。入。僻。巷。會。巷。中。有。一。關。帝。廟。年。久。失。修。頽。垣。圯。壁。不。蔽。風。日。先。生。遂。梯。垣。登。屋。伏。於。上。閱。一。晝。夜。始。脫。險。是。役。也。同。志。死。者。計。六。人。云。

第二十二節 與徐錫麟之關係

先。生。伏。處。東。京。對。於。革。命。事。業。仍。進。行。不。懈。時。孫。中。山。已。赴。歐。美。各。洲。游。說。旅。外。僑。商。所。有。機。關。總。部。一。切。規。劃。悉。委。之。先。生。雖。迭。次。起。義。未。能。償。願。而。各。省。有。志。之。士。聞。風。歸。附。加。入。同。盟。

會者竟至數萬人之多積久聲勢益大有浙人徐錫麟者就學於日本警察學校景仰先生名走訪於寓廬與語大悅達訂交焉旋任徐總部中幹事籌畫一切深資臂助迨徐遂成卒業歸國瀕行先生置酒爲之祖餞且詰之曰子將何以報吾黨也徐作簡單之語答曰今茲第一着惟有實行由種族革命上入手耳先生撫徐臂作誠懇語曰子言實先獲我心矣子好自爲之他日再相見徐諾而歸未幾徐入仕途卽有刺殺皖撫恩銘之事說者謂徐之槍噓大僚其膽固非人所及其實徐在東瀛已先受先生之灌輸始克有茲轟轟烈烈之偉舉也

第二十三節

與熊成基之關係

揚人熊成基亦同盟會中之健將與先生雖未謀面然極服臂其爲人所謂千里神交是也先生以圖謀革命非藉重兵力不可聞清招府實行徵兵制度乃函致熊成基嗾其應徵入伍藉資運動軍隊熊躡其議遂投安徽十九協充當兵士旋升授排長多方聯絡事機果成熟乃乘太湖會操之際省垣空虛趁機舉事因先以密函告先生先生派黨中健兒尅日來華約爲外應時清帝載浩升遐秋操中輟會操之軍陸續迎皖熊迫不及待遽使礮隊反正殺管帶陳昌榮等數人更於安慶東門外臨江寺後燃巨礮遙擊撫署卒以外應未至旋遭失敗熊知所謀未遂亟遁之哈爾濱資斧斷絕馳書報先生先生急匯巨金使之在哈僞言興辦實業待時而